



Zajednička komisija za nadzor nad radom
Obavještajno-sigurnosne agencije Bosne i Hercegovine
Zajedničko povjerenstvo za nadzor nad radom
Obavještajno-sigurnosne agencije Bosne i Hercegovine

Зједничка комисија за надзор над радом
Обавјештајно-безбједносне агенције Босне и Херцеговине

Broj: 03/2-50-1-8-16/09
Sarajevo, 17. 03. 2009. godine

IZVJEŠTAJ

sa sastanka s ambasadorom Republike Bugarske

U prostorijama Zajedničke sigurnosno-obavještajne komisije za nadzor nad radom OSABiH, 22. januara 2009., održan je sastanak s ambasadorom Republike Bugarske u Bosni i Hercegovini.

U ime Komisije, sastanku su prisustvovali:

1. Mirko Okolić, predsjedavajući
2. Božo Rajić, prvi zamjenik
3. Šemsudin Mehmedović, drugi zamjenik predsjedavajućeg
4. Sadka Đonko, sekretar
5. Predrag Nikolić, stručni savjetnik
6. Sajda Dizdarević, stručni saradnik

U ime Ambasade, sastanku su prisustvovali:

1. N.J.E. Andrey Transki, ambasador
2. Plamen Stanev, zamjenik ambasadora

Predsjedavajući Mirko Okolić zaželio je dobrodošlicu i zahvalio se ambasadoru za ovu posjetu i istakao interes za daljnjom saradnjom Komisije s Ambasadom kao i uspostavljanjem saradnje s komisijom iz nadležnosti parlamentarnog nadzora Parlamenta Republike Bugarske. U vezi s tim, smatra da od tih komisija mogu puno toga naučiti kao i razmijeniti iskustva s obzirom na tranzicijski put koji je Bugarska imala na putu prijema u EU a koji predstoji i Bosni i Hercegovini. Informirao je da je Komisija u svom Planu rada za 2009. godinu predvidjela posjetu Parlamentu Bugarske, odnosno komisiji koja provodi parlamentarni nadzor u oblasti obavještajnog sektora kao i drugim sličnim komisijama. Pored toga, upoznao je prisutne s radom i nadležnostima Komisije. Informirao je da je Komisija kao ovlašteni predlagač uputila u pralamentarnu proceduru Prijedlog zakona o izmjenama i dopunama zakona o OSABiH i Prijedlog zakona o izmjenama i dopunama Zakona o zaštiti tajnih podataka. Ukratko je objasnio u kom pogledu su izmjene zakona izvršene.

Ambasador se zahvalio na upriličenoj posjeti i naglasio da podržava prijedlog za saradnjom s Ambasadom kao i s odgovarajućim komisijama Parlamenta Republike Bugarske.

Rekao je da Ambasada može pomoći u organiziranju ove posjete te da će se angažirati na njenoj realizaciji. Naglasio je da će posjeta biti veoma interesantna iz razloga što mnogi ne znaju o Bosni i Hercegovini i o stanju u njoj. Također, naglasio je da bi u okviru ove posjete Komisija trebalo da posjeti i Komisiju za vanjsku politiku.

Ambasador je podsjetio da BiH ima puno sličnosti s Bugarskom, a imajući u vidu historijske činjenice, dodao je da nema razloga da se saradnja ne uspostavi i u drugim oblastima.

Predsjedavajući i njegovi zamjenici podržali su prijedloge ambasadora s obzirom na iskustava i tranzicijski put Bugarske za uspostavljanje dobrih odnosa i razvijanje saradnje i u svim drugim oblastima. Zahvalili su se ambasadoru i istakli da ovakvi susreti imaju svoje opravdanje u smislu razmjene iskustava koja mogu pomoći kako u daljnjem radu Komisije tako i razvijanju dobrih odnosa s Republikom Bugarskom.

**Predsjedavajući Komisije
Mr. Mirko Okolić**